

易纂言外翼十二卷

(元)吳澄撰 元刻本。框高十九·四釐米，寬十四·一

釐米。每半葉九行，行二十字，細黑口，四周雙邊。

吳澄(一二四六—一三三一)字幼清，晚年字伯清，號草廬。撫州崇仁(今屬江西)人。其自序云「臨川吳澄」，「臨川」，撫州古地名。澄自幼聰明穎悟，長致力於程朱之學。南宋咸淳末年舉進士不第，入元後官至翰林學士。其於《易》、《書》、《春秋》、《禮記》，各有纂言。元泰定帝時開經筵，以吳澄為講官。泰定二年(一三二五)，總領纂修英宗實錄。所居草屋，程鉅夫題曰「草廬」，人稱「草廬先生」。卒贈江西行省左丞上護軍，追封「臨川郡公」，諡「文正」，事詳《元史》本傳。

吳澄曾採用呂祖謙古《易》本經文，根據王肅、馬融、鄭玄、程頤、朱熹等人經說，援引古義，解經釋義，於元至治二年(一三二二)撰成《易纂言》。然此書義例散見各卦之中，相互之間不相統貫，其卷首所陳卦畫，僅粗具梗概，未及詳述。為暢明《易纂言》之精義，吳澄又撰《易纂言外翼》，於天曆二年(一三二九)成書。其卷首序開篇即明確此書著作之由，云「《纂言》者何？臨川吳澄纂昔人今人之言以釋義、文、周、孔之

《易》也。外翼者何？言之夫備未明者，輯成類例，綴於所釋經傳之後，猶鳥翼之傳身外而為之左右也。」

此書僅於《吳文正集·年譜》、元虞集《臨川先生吳公行狀》中提及。《四庫全書》所收為《永樂大典》輯佚本。《四庫全書總目》云：「《纂言》有通志堂刻本，久行於世，此書則傳本漸罕，近遂散佚無存。」《皕宋樓藏書志》、《愛日精廬藏書志》所記為文瀾閣傳抄本，與《四庫全書》本同。傅增湘曾在德化李盛鐸家中見過此本，其《藏園群書經眼錄》卷一云：「字扁方，多古體，有隸意，初印本。」可知此本之珍罕。

此本曾藏明大學士王鏊府中，書中鈐有「震澤」、「顏樂齋」等藏書印。後輾轉入藏中國國家圖書館。（李紅英）